

TSHE ISHINAKUTAKANIT TAPUETATUN NETE KA UT TUTAKANIT
AKAMASSISSIT KATSHISHKUTAMATSHEUTSHUAPIT KA
PIUENIMAKANIT AUENITSHENAT

**Ueshkat tsheshkutamashune anite Nutapiuenanit,
Akamit Sheshatshiu (North West River),
Makkovik, Nent, kiemak St. Anthony nete ka
ut pimipanitakanit Natukunitshuapit ka
Nakatuapatakanit kiemak nete Aissimeu
Aiamitshuapit, minu-tshitapata umue mashinaikan.**

Anite Ka mishta-ueueshtakanit Akamassissit mak Napatau tapuetakanipan tshetshi unuipantikanit mashinaikan kie mieunu umashinaikan tshishe utshimau ukaimishima etushueniti tshetshi unuipanit nenu mashinaikanu.

- Anitshenat ushkat katshishkutamuakanit tshika pimipanieuat tshishe utshimaua Kanata (“Canada”) kaishi-pimipanitaniti katshishkutamatshuapita nete Nutapiuenanit, Akamit Sheshatshiu (North West River), Makkovik, Nent kie St. Anthony nenu ka pimipanitaht Natukunitshuapinu Grenfell Ka Nakatuapataeshi pimipanitakanit (“IGA”) kiemak ne Aissimeu Aiamietshuap kie nenu ka piuenimakaniti kie ka mamenimakaniti auassa ka tshishkutamashuniti nete ukatshishkutamatshuapaut.
- Ka atushkuat auassa ka tshishkutamashuniti ka piuenimakaniti kie Kanata (Canada) tapuetatunu tapuetatishupanit \$50 million shunianu e uitakanit.
- Eshk apu tshissenitakuak tshetshi itakanit Kanata (Canada) apu tut minututak. Ekue ne shuniau e uauitakanit, patush tapuetakaniti nete ka mishta-ueueshtakanit ekue tshe patshitinakanit ne shuniau.

**Tshika matenitakuan nete tshitapuetamunit at peikuan eka tutamini tshekuan.
Ekue nasht tshe minu-tshitapatamin umue mashinaikan.**

TSHI TIPENITAMUNA KIE TSHIPA ISHI-TUTEN KA ISHI-NITUENITAKANIT TSHE ISHI-PIMIPANITAKANIT TAPUETAMUN	
E nakaikanit	Tshe mashinaishain nete ka mishta-ueueshtakanit eka minuutamani ne tapuetatun ka tapuetatishunanuht.
Tshe itutain nete ka mishta-ueues-htakanit	Tshe nituenitamin tshetshi aimin nete ka mishta-ueueshtakanit ushkau-pishim 27, 2016.
Tsheka tutamin tshekuan	Eka pitshitenimuta tshitapentamun nakaikaniti ne tapuetatun shuniau e uauitakaniti.

- Eukuan ka uauitakanit tshitipenitamun kie tshe ishinakutakanit tshetshi tapuetatishuin eshi-utinikanit tshekuan ka tapuetatishunanut — minu-uauitakanua ute mashinaikanit.
- Anite ka mishta-ueueshtakanit ka ut aiatinakanit tshe pimipanitakanit ueueshitunit ekute tshe tshissenitakuak tshetshi tapuetakanit ne shuniau tapuetatishun. Nete ka mishta-ueueshtakanit tshika pitakatakanua mashinaikana **10:00 a.m. ushkau-pishim 27, 2016 anite ka mishta-ueueshtakanit Akamassissit mak Napatau St. Jon’s, Akamassissit mak Napatau.** Ekue patush tshi pimipanitaniti nete ka mishta-ueueshtakanit ekue tshe tshissenitakuak tshe ishpish patshitinakanit shuniau kie tshi ueueshtakaniti nenu passe auentshenat eka ka tapuetahk nenu eshi-tapuetatishunanunit nete shunianu e uauitakanit. Eka naneshikamuk umue eshi atushkatet.

UAUITAMATUN ETASHTET MASHINAIKANIT 2-4

1. Tshekuannu uet utitaukuian umue uauitamatum mashinaikan?
2. Tsheku katshishkutamatsheutshuapa takunipani anite Nutapieueunanit, Akamit Sheshatshiu (North West River), Makkovik, Nent, kie St. Anthony?
3. Shitshinipani a nenu katshishkutamatsheutshuapa nete ka mishta ueueshtakanit Kanata (Canada) ka pimipanitakaniti kutaka katshishkutamatsheutshuapa 2006 tapuetatunit tshishe utshimau nete Kanata (Canada)?
4. Tshekuan ne Mamu Ka Mashikakanit tshetshi pimipanitakanit nete ka mishta-ueueshtakanit?
5. Tshekuan ne uet aiashikuatakanit shunia tapuetatun?
6. Tshekuannu uet takuak ne shunia tapuetamun?

AUENITSHENAT ETINAKANIT NETE SHUNIAU TAPUETAMUNIT? ETASHTET MASHINAIKANIT 4

7. Auenitshenat etinakanit nete shunia tapuetamunit?
8. Tshika katshitinamuht a anitshenat uikanishimauat ka piuenimakaniti uikanishuau?
9. Ekue eka tapuetatishuiani tshetshi uinukuane nete Tapuetatunit shunia tshe patshitinakanit?

TSHE ISHI-KANIUPANIT TAPUETATUN SHUNIAU MATINAMATUN? ETASHTET MASHINAIKANIT 4-6

10. Tshekuan eshi-takuak nete Tapuetatunit?
11. Tan tshe ishi-tshishikuakanit anitshenat ka aimishiht?
12. Tan tshe ishpishat nishuniam?
13. Tan tshe ishpish utitaukuian nishuniam?
14. Tshekuan petshitinaman nete Tapuetatunit?
15. Nipatshi a unuitshinitishun nete Tapuetatunit?

TANITE TSHETSHI KATSHITINAMAN SHUNIAU? ETASHTET MASHINAIKANIT 6-7

16. Tanite tshetshi katshitinaman shunia?
17. Tanite tsheutshi tshissenitakanit tshe ishpish miukuian shunia?
18. Ekue tan tshe ishi-tutakanit eka minukuiani ne shunia?
19. Tan tshe tutakanit eka tapuetamani ne tshe ishi-minukuian shunia?

ANITSHENAT KA AIMISHIHT KA UAUITSHISHKAU ETASHTET MASHINAIKANIT 7

20. Tsheku ka aimishiht pitakataht nete ueeshitunit nenu ka piuenimakaniti auenua nete katshishkutamatsheutshuapa ka uitakaniti eshinikateti?

EKA KA TAPUETAMIN ESHI-TAPUETATISHUNANUT ETASHTET MASHINAIKANIT 7

21. Tan tshe ishi-tutaman nete ka ueueshtakanit pimipanitakaniti eka ishi-tapuetatishuian ne Tapuetatun?

TAPUETATUN KA PIMIPANITAKANIT NETE KA UEUESHITAKANIT ETASHTET MASHINAIKANIT 8

22. Tan tshe ishpish kie tanite tshe pitakatakanit tshetshi tshissenitakuak ne tapuetatun shunia tshetshi patshitinakanit?
23. Ishinakun a tshetshi ituteian nete ka ueueshitakanit?
24. Nikatshi aimin a nete ka ueueshitakanit?
25. Ekue eka tutamani tshekuan?

ETUTU E MINU-UAUITAKANIT UAUITAMATUN ETASHTET MASHINAIKANIT 8

26. Tan tshe ishi-tutaman etutu ui minu-nanatutshissenitamani uauitamatum?

UAUITAMATUN

1. Tshekuannu uet katshitinaman umue uauitamatum mashinaikan?

Anite Kanata tshishe-utshimau ka mishta-ueueshitakanit Akamassissit mak Napatau tapuetakanipan tshetshi minuanuht umue uauitamatum mashinaikan e uauitakanit Tapuetatun shunia kie tshe minukun tshe ishi-tutamin kie tshe ishi-atushkatamin eshk eka pimipananuht ka mishta-ueueshtakanit. Tshi minu-uitamakun ne tshekuan ka pitakatakanit nete ka mishta-ueueshitakanit, Tapuetatun shunia tshe ishpish patshitinakanit, kie tshi tipenitamuna.

Eukuan Ka aimit Robert Stack nakatuapatak nenu ueueshitun pimipanitun ka mamuituht anitshenat ka piuenimakanitsh auenitshenat ka tshishkutamuakanit. Eukunnat eshi-uinakaniht : *Anderson ka pimipaniakanit nete ka misht-ueueshitakanit Kanata (Canada)* (Natukunitshuapit ka pimipanitakanit katshishkutamatsheutshuap nete Nutapieueunanit). Atshitashun etshissinuashtakanit ne pimipanitun 2007 01T4955CP; *Obed ka pimipanitakanit ka mishta-ueueshtakanit Kanata (Canada)* (Natukunitshuapit ka pimipanitakanit katshishkutamatsheutshuap nete Akamit Shehshatshiu North West River), Atshitashun etshissinuashtakanit 2007 01T5423CP; *Nushin (Lucy) ka pimipanitakanit nete ka mishta-ueueshtakanit Kanata (Canada)*

TAKUN A TSHEKUAN UA KUETSHIMUIN? ANITE TSHE AIMIN 1-866-542-0369, KA ATUSSEU-KATSHITAPANITAKANIT

ADMIN@NEWFOUNDLANDRESIDENTIALSCHOOLSSETTLEMENT.CA KIEMAK WWW.NEWFOUNDLANDRESIDENTIALSCHOOLSSETTLEMENT.CA

(Aissimeu aiamitshuapit ka pimipanitakanit katshishkutamatshetshuap nete Makkovik), atshitashun katshissinuashtakanit 2008 01T084CP; *Asivak ka pimipaniakanit ka mishta-ueueshtakanit Kanata (Canada)* (Aissimeu-aiamitshuap katshishkutamatshetshuapit nete Nent), atshitashun ka itashtet 2008 01T0845CP; kie *Holwell ka pimipanitakanit net ka mishta-ueueshtakanit Kanata (Canada)* (Natukunitshuapit ka pimipanitakanit katshishkutamatshetshuap nete St. Anthony), atshitashun ka tshissinuashtakanit 2008 01T0844CP.

Anitshenat katshishkutamashuht shashish nete katshishkutamatshetshuapa ka uitakaniti eukunnat “ka pimipanitaht ka mishta-ueueshtakanit”. Ekue ne tshishe-utshimau eukuan “Kanata” eshi-uinakanit kiemark “Eukuan ka pimipaniakanit”kiemark “tshishe-utshimau”.

2. Tsheku katshishkutamatshetshuapa takunipani nete Nutapieunanit, Akamit Sheshatshiu (North West River), Makkovik, Nent mak St. Anthony?

Anite Natukunitshuapit (IGA) mak Aissimeu Aiamitshuapit pimipanitakanipani nenu katshishkutamatshetshuapa tshetshi tshishkutamuakanit auassat, kie eukute tapanit anitshenat auassat. Anite tshishe-utshimat ut pimipanitakanipani nenu katshishkutamatshetshuapa.

3. Pimipanitakanipani a nete ushkat ka mishta-ueueshtakanit 2006 Tapuetamun shuniau ka patshitinak Kanata (Canada)?

Mauat. Apu tut tapuetakanit tshetshi pitakatakanit nete ka mishta-ueueshtakanit 2007 pipun ka mamu pimipanitaht kutakaht innuat tapuetatunu. Apu tut ishi-nishtuapatakanit ueshkat miam ka ishi-nishtuapamakanit kutakaht innuat nenu ka ishi-piuenimakanit ka patshitinamuakanit shunianu kie apu tut tapuetuakanit tshetshi papeik shakassinitaht mashinaikanu ka ishi-minakaniti kutaka innua. Anitshenat muk tapuetuakanipaniht shash ka minakanit tshetshi shakassinitaht umashinaikanuau ka piuenimakanit tshishe-utshimaua ka pimipanitakani atshishkutamatshetshuapa.

4. Tshekuan ne essishuemikat mamu ka atushkatet tshetshi pimipanitakanit nete ka mishta-ueueshtakanit?

Ekuan ne mamu ka atushkatet tshetshi “peiku-pimipanitakanit tshekuan nete ka mishta-ueueshtakanit” kie uinuau anitshenat ka piuenimakanit nete ka tshishkutamashuht shashish. Eukuannat eshnikatenit “ka peiku-pimipaniat tshishe-utshimaua nete ka mishta-ueueshtakanit.” Peik ne ka mishta-ueueshtakanit pimipanitakanu kie ekute tshe ui mishkakanit tshetshi minupaniakanit kie matinumakanit nenu shunianu tshe eshi-tapuetatunauht mamu etshitapamakanit anitshenat ka piuenimakanit nete katshishkutamuakanit.

5. Tshekuan nete ka mishta-ueueshtakanit pimipanitakanit?

Tshishe-utshimau ka pimipanitak katshishkutamatshetshuapa piuenimakanishipani auassa katshishkutamuakaniti, apu apitenitakanakue, kie nasht euiahiht utinniunauht piuenimakanishipaniht, nete umitunenitshikanuauht ishi-piuenimakanishipaniht kie etenimuht utinniunauht kie mitshitutuakanishipaniht e auassiuit. Ekue anutshish issishueuat anitshenat ka piuenimakanit auassat apu tut tshekuannu tutak tshishe-utshimau tshetshi tshishpeuakanit nete ka ishi-inniuit kie nete uminu-utanniunauht at tapue nasht ishinakunipan tshetshi tshishpeuakanit. Ekue anitshenat ka aimishiht pitakatapanit nete ka mishta-ueueshtakanit ushkau-pishimua 2015 pipunu.

Nenu nakatuapakanipani tshishe-utshimau eka ka apitenitak kie eshpitenitakunit utatusseun tshetshi tutak. Ekue nete ka ueueshtakanit apu nakaikanipan tshetshi pimipanitakanit nete ka mishta-ueueshtakanit kie eukuan ne ka aimit Stack ishinikatakanu nete tekuatshi-pishimua 25, 2015 kie tshe ishi-atushkatet kie tshetshi eka ishpish animipanaut ishi-tutakanipan nete ka ueueshtakanit kie nenu utapueunuau anitshenat ka peiku-mamuituht ka piuenimakanit e auassiuit ka tshishkutamuakanit tshe ishi-uaitakanit. Ekuannua muk ishinakunipani tshetshi pimipanitakaniti nete ka ueueshtakanit tshishe-utshimau eka ka apitenitak kie ka nikaikanit tshetshi pimipanitakanit nete ka mishta-ueueshtakanit.

Ekue ne tshishe-utshimau ap tshi tapuemakanit nenu uin utatusseun ishinakunipan tshetshi minu-nakatuapamat auassa ka tshishkutamashuniti nete katshkutamatshetshuapa ka uitanikau. Muk issishueu patshitinamupan shunianu nete Akamassissit mak Napatau tshetshi tshishkutamuakaniti innu-auassa kie aissimeu-auassa. Kie issishueu uin nenu ne tshishe-utshimau Akamassissit mak Napatau takunipan utatusseun tshetshi nakatuapamat nenu auassa.

Ekue eshk anutshish apu tshissenitakuak auenitshenat e tapuetuakanit anitshenat ka ui pimipaniat tshishe-utshimaua kiemark uin tshishe-utshimau.

6. Tshekuannu uet tapuetatunauht shuniau tshetshi patshitinakanit?

Eshk apu tshissenitakuak tshetshi tapuetakanit tshetshi patshitinakanit shuniau nete ka piuenimakanit auassat kie tshishe-utshimau, mishkut tapishkut tapuetamupanit tshetshi patshitinakanit shunianu tshetshi eka mishta-meshitinkanit nete pimipanitakaniti ka mishta-ueueshtakanit kie apu tshissenitakuak tshe ishpish pimipanitakanit, tshe ishpish atushkatet tshe tshissenitakuak etashutakanit kie tshe ishpish katshitinakau nenu shunianu ka piuenimakanit e auassiuit katshishkutamuakanit nete ka uinakanit uet

TAKUN A TSEKUAN UA KUETSHIMUIN? ANITE TSHE AIMIN 1-866-542-0369, KA ATUSSEU-KATSHITAPATAKANIT

ADMIN@NEWFOUNDLANDRESIDENTIALSCHOOLSSETTLEMENT.CA KIEMAK WWW.NEWFOUNDLANDRESIDENTIALSCHOOLSSETTLEMENT.CA

uauitamatunit mashinaiaknit. Kie apu tshikut minakaniht tshetshi aimit nete ka mishta-ueueshitakanit. Apu piunakaniti tshishe-utshimau utipenitamuna ne Tapuetatun shuniau e uauitakanit kie uin tshishe-utshimau apu pikunak tshekuannu nenu eshinakutat mamu. Tshishe-utshimau apu tapuetatishut eshi pimpanitakanit. Ekue anitshenat ka uauitshiat nenu uikanishimaua itenitaminua euuannu eshi minuannit tshetshi ishi-tutakanit ka piuenimakanit ka tshishkutamuakanit ka pet auassiuit.

AUENITSHENAT TSHE ANAKANIT NETE TAPUETATUNIT PATSHITINAKANITI SHUNIANU?

7. Auenitshenat tshe anakanit nete Tapuetatunit patshitinakaniti shunianu?

Anitshenat ka unuitshinitishuat ne ka ui pimpaniat tshishe-utshimaua nete ka mishta-ueueshitakanit, ekue ne Tapuetatunit shuniau tshe patshitinakanit, auen ka tshishkutamuakanit nete ka mashinataikaniti katshishkutamatsheutshuapa eshnikateti kie eshk e inniut nenu pipunu takuatshi-pishimua 23, 2006 pipunu ka mashinataiaknit:

- i. Nutapieunanit - shiship-pishim 1, 1949 nuash uapikun-pishim 30, 1964
- ii. Akamit Sheshatshiu (North West River) - shiship-pishim 1, 1949 bush uapikun-pishim 30, 1980
- iii. Nent - shiship-pishim 1, 1949 nuash uapikun-pishim 30, 1973
- iv. Makkovik - shiship-pishim 1, 1949 nuash uapikun-pishim 30, 1960
- v. St. Anthony - shiship-pishim 1, 1949 nuash uapikun-pishim 30, 1979

8. Tshika katshitinamuht a anitshenat uikanishimauat nenu Tapuetatun shunianu tshe patshitinakanit?

Nenu tshitapakanipani eka ka apitenitakanit kie anitshenat ka minakaniht tshetshi minu-nakatuapatamat auassa ka tshishkutamuakaniti tshishe-utshimau ka pimpaniat katshishkutamatsheutshuapa. Ekue nete ka mishta-ueueshitakanit ekute itashuenanuipan ne ka aimit Stack takuatshi-pishimua 25, 2015 pipunu, tshetshi eka mishta-anipani kie nakaikanipan ne tshetshi pimpanitakanit nete ka mishta-ueueshitakanit tanite mishta-minekas tshipa pimpanu kie mishta-shuniakateu tshipa ishi-atushkateu.

Ekue eshk apu tshissenitakuak tshe ishi-tutakanit kie tshipa ishi-atushkateu tshetshi pimpanitakanit nete ka mishta-ueueshitakanit, kie apu tshi tapuemakanit ne tshishe-utshimau. Nakauakanuht uikanishimauat ka ui pimpaniat tshishe-utshimaua nete ka mishta-ueueshitakanit kie apu tshikut matinumakanit nenu shunianu kie apu tutamuakanit uinuau tshetshi katshitinak nenu shunianu.

9. Ekue eka tshissenitamani tshetshi taian nete Tapuetatunit shuniau tshe patshitinakanit?

Eka tshissenitamani tshetshi taune nete ka peiku-mamuituht anitshenat ka piuenimanikue katshishkutamuakaniht e auassiuit Tapuetatunit ka uinakanit kie nete tshipa aimin 1-866-542-0369 kiemak www.NewfoundlandResidentialSchoolsSettlement.ca kiemak tshe mashinaishain Admin@NewfoundlandResidentialSchoolsSettlement.ca.

TSHE ISHI KANIUPANIT PATSHITINAKANITI TAPUETATUN SHUNIAU?

10. Tan tshe ishi kaniupanit patshitinakaniti Tapuetatun shuniau?

Patush nasht tapuetaki tshishe-utshimau tshe patshitinakanit Tapuetatun shuniau tshika kaniupanu tshetshi minakaniht anitshenat ka piuenimakanit e auassiuit katshishkutamuakanit nete pet utat. Kanata (Canada) tapuetam tshetshi ashtat \$50 million nete Tapuetatun shuniau tshe matinamuakaniht anitshenat auassat ka piuenimakanit nete katshishkutamashuht shashish, kie tshetshi patshitinamuakanit shunianu nete uauitamatunu ka tutamuakniht, nete mashinaikanitshuapit tshe ut aiatinakanit ne shuniau Tapuetatun tshetshi matinamuakaniht anitshenat ka piuenimakanit kie ueueshitunit tshe ishpish utitshipanit e pimpanitakanit, tshe ishpish meshtinakanit shuniau ka ishi-atushkatet kie ka ishi-meshtinakanit shuniau ka pet ishpish atushkatenit Tapuetatun shuniau. Ekue neme enupanit tshika ishtakanu ne shuniau nete ka uauitakanit tshe ishi-meshtinakanit enupanit, anitshenat ka piuenimakanit auassat ka apuakuenit nete kakaunuenimakaniti auassa katshishkutamatsheutshuapit.

Tapuetam Kanata (Canada) tshishe-utshimau tshetshi patshitinak shunianu nete katshishkutamatsheutshuapa ka uitakaniti ka piuenimakanit auassat katshishkutamashuniti tshetshi tshissitakanit ekute ka piuenimanikue auassat kie peta tshika uitamuakanuht anitshenat ka peiku-mamuituht ka piuenimakanit e auassiuit.

Etutu minu-uauitakanu nete mashinaikanit ka tutakanit “Tshe ishi-matinamuakaniht auenitshenat ka piuenimakanit nete katshishkutamuakanit euassiuit Tshe ishi-atushkatenit, anite ka atusseu-katshitapakanit takun ne mashinaikan itashteu www.NewfoundlandResidentialSchoolsSettlement.ca.

11. Tan tshe ishi-tshishikuakaniht anitshenat ka aimishiht?

Anite ka mishta-ueueshitakanit uitakaniti tshetshi tshishikuakaniht ka aimishiht ekue patush tshe tshissenitakunit tshe ishpish kie miam a ishi-tshishikuakanuat nenu ka ishi-nituenitakau 33% nete ut Tapuetatunit Shuianu (\$16.5 million) tshe ishpish utitshipanu ka ishpish shuniakatenit ka ishi-atushkatakau. Nete ka ueueshitakanit tshika tshissenitakunu tshe ishpish patshitinakanit ka ishi-atushkatet kie ka ishpish meshtinakanit shuniau eshpish pet mamu atussenanut nete Tapuetamun shuniau tshe patshitinakanit.

12. Tan tshe ishi-minukuian ne shuniau?

Ne tshika tshitapakanu ka ishpish tain nete kakanuenimakanit auassat katshishkutamuakaniht kie/kiemak tan ka ishi-ushikueikuin eshpish tain nete katshishkutamakuin.

Anitshenat ka peiku-mamuituht katat nete ka kanuenimakaniti auassa tshika katshishkutamuakaniti kie nenu tatu-pipuna ka ishpish takuenit nete kakanuenimakaniti auassa nete katshishkutamatshetshuapaka uitakaniti. Ekue anitshenat eka ka ishpish 5 tatu-pipnua takuenit \$15,000.00 tshika minakanuht. Ekue anitshenat kataht nete kakanuenimakaniti auassa katshishkutamashut petetat kiemak ushte petetat tatu-pipuna etshishkutamuakanit, \$20,000.00 kie nenu tshika tshitapakanu etatishuakue auassat kie ka ishpish piuenimanikue. Ekue anitshenat -eka ka taht nete kakanuenimakaniti- auassa katshishkutamuakaniti, apu tshikut minakanit nenu shunianu.

Kassinu anitshenat nasht eshinakunit tshetshi uitshikanit ka peiku-mamuituht, ka ishi anuenimakanit ka tshitapakanit nete ka piuenimakanit e auassuit katshishkutamuakanit. Tshika minakanuht \$200,000.00 kie nenu tshika tshitapakanu ka ishpish anuenimakanit. Eukuan ne tshe utinakanit utshimau tshe uetashiutak tshe ishpish minakanit auen ka ishi piuenimanikue e auassuit. Eshk apu tshishue tshissenitakanit tshe tatishiht auenitshenat ka shakassinitaht umashunaikanuau. Ekue ishinakuniti tshetshi nishuet katshitinak auen nenu shunianu tshika minakanu.

Eukuan eshi-mashinataikanit tshe tshitapakanit tshetshi patshitinikanit shuniau Tapuetatun.

Anite etshitapakanit	Eshi-piuenimanikue	Shunianu tshe minakanit
1	<ul style="list-style-type: none"> • Peikuuu kiemak mitshetuau e matshi-tatshinakanit kiemak e matshi-shuenimakanit. • E mushekatsheu-akunikanit kie eshk anutshish inniu ne auen. • E uapatinikut uiannu eshk nete ka pet auassit. • E matshi-tatshinakanit auass ka tshishkutamuakanit, eka ka tshi-ssenitaminiti uikanisha kie e pik-unakanit nenu uin tshipa aitipan tshishinnitautshitakue kie eshk anutshish inniu ne ka uauinaka-nua. • Peikuuu kiemak mitshetuau e matshi-aitutuakanit e auassit. • Peikuuu kiemak nishtuau e matshi-nutshikuakanit. 	\$50,000.00
2	<ul style="list-style-type: none"> • Peikuuu kiemak nishtuau e nusha-nituakanit kiemak e nukamakanit. • Peiluuu kiemak nishtuau e matshi-akunakanit, umishiuakanit e mats-i-tutuakanit kiemak utshissit e tsh-ishutshissepitakanit. • Peikuuu kiemak nishtuau e kutshipa-niakanit tshetshi matshi-tutuakanit nete umishiuakanit kiemak utshissit. • Neuau kiemak mitshetuau e tshishup-atakanit. • Peikuuu kiemak mitshetuau e ushikue-iakanit eka katshi tutak tshetshi: <ul style="list-style-type: none"> ○ pitakeiakanit kiemak mishta-natukuikut natukunisha; ○ e tutakanit ntshishk tshetshi ishinakunit ka ishiushikuikanit kiemak mishta-minekash ka nukunit ka ishi-ushikuikanit; ○ e mashkauakanit ka ishi-ushukuikanit; ○ e tshishkueuakanit; ○ e pikupaniti ushkana katshi mashikua-kanit; ○ e mishta-ushukuikanit nasht e unitat tshekuannu nete uiat kie nasht etutua-kanit tshetshi muk pimishanit nete un-epeunit tatu-tshishikau. Miam mate ute eshi-uauitakaniti, e mishta-ututamuan-ikue kiemak e pashakashteanikue kie-mak e ishkuashuanikue. 	\$100,000.00

3	<ul style="list-style-type: none"> • Peikuaui kiemak mitshetuau e matshi-tut-uakanit nete umishuakanit kiemak utshis-sit • Neuau kiemak mitshetuau enushanituaka-nit. • Peikuaui kiemak nishtuau e apashtakanit tshetuannu e matshi-tutuakanit. 	\$150,000.00
4	<ul style="list-style-type: none"> • Neuau kiemak mitshetuau e matshi-tutua-kanit • Neuau kiemak mitshetuau e apashtakanit tshetuannu e matshi-tutuakanit. 	\$200,000.00

13. Tan tshe ishpish utitaukuian ne shuniau?

Ishinakunu tshetshi katshitinahk ushuniamaui anitshenat ka peiku-mamuituht ka piuenimakanit uipat tshi tshitapakaniti umashinaikanuau ka shakassintaht, nete ka ueeshitakanit tshika tshissenitakunu tshetshi minakanit nenu ushuniamaui kie tshika tshitapakanu anitshenat ka ishauit eka ka tapuetahk eshi-pimipanitanit nete ueeshitunit tshe ishi-katshitinakau shunianu (Tshitapata neta e uuitakanit “Ka Tapuetakanit Pimipanitun Ka Ueeshitakanit). Takunikau mashinaikana eka ka tapuetatishunanuti etutu minekashish tshika itashikakanu matinamitun. Eku nituenitakanu tshetshi eka nanishiunanut, tshetshi tshiam ishupatakanit eshi-atushkatet.

Ekue tapuetakaniti ne Tapuetatun shuniau nete ka ueeshitakanit pimipanitaniti kassinu anitshenat ka peiku-mamuituht ka piuenimakanit tshika minu-tshitapakanu umashinaikanuau nishtam kie tshika nanatu-tshissenitakanu tshe ishpish minakanit shunianu. Ekue anupaniti ne shuniau tshika minakanuht anitshenat ka atushkataku nenu pimipanitanu nete ka mishta-ueeshitakanit.

14. Tshakuan petshitanaman nete Tapuetatun shuniau?

Eka mashinatautishuini neta mashinaikanit Tapuetatunit, kie shash tshi pimipanitaniti kie tapuetatunanuti, tshika patshiten tshi tipenitamun tshetshi eka pimipanitanit nete ka mishta-ueeshitakanit, mishkut tshi tapueten eshi-tapuetatunanut Tapuetamun shuniau. Kassinu nenu katshishkutamatshetshuapa 5 ka uitanikau “tshi patshiten”kie Kanata (Canada) tshishe-utshimau tshi patshitanaman ka ui pimipanit ka mishta-ueeshitakanit. Ekue tekunikue tshakuan ua kuetshimuin, tshika aimishimat tshika aimiaut takun ne uuitamatun 20 etashtet atshitashun uta mashinaikanit kiemak tshin uetshit tshikaimishim tshipatshi kuetshimau tshetuannu essishuanunit eka ka nishtutishuin eshi uuitakanit tshakuan.

15. Patshi a uuitishinitishun nete Tapuetatunit?

Mauat. Shash tshi uitakanipan tshe ishpish tshipaikaniti mashinaikana ka shakassinitakaniti ka peiku-mamuituht ka piuenimakanit auassat ka kanuenimakanit nete katshishkutamashut utat shashish tekuatshi-pishim 30, 2012 tshipaikanipani mashinaikana. Uipat uuitishinitishuinakue atutut tshetshi katshitanaman tshakuan nete Tapuetatunit shuniau tshe patshitanakanit, muk tapue tshipa tshi pitakatan tshi mashinaikan eshk e uinukune nete ka peiku-mamuituht auenitshenat ka pimipanitanit nete ka mishta-ueeshitanit. Tshi minukun tshetshi peta tshitapatamin mashinaikan (Kuetshimun 21) itashteu.

TSHE ISHI-TUTAMIN TSHETSHI KATSHITINAMIN SHUNIAU?

16. Tan tshe ishi-tutaman tshetshi katshitanaman shuniau?

Patush tshi tapuetakaniti nete ka mishta-ueeshitakanit tshe ishi-atushutakanit Tapuetatun shuniau tshe patshitanakanit. Tapuetakaniti, tshika nitueniten mashinaikan tshetshi shakassinitain, kie tshe pitakatan ne tshi mashinaikan nete ka utshimakatuakanit. Ekue anitshenat ka peikuitishut mamu apu tshikut nituenitamuakanit tshetshi aimit nete ka mishta-ueeshitakanit. Tshika takunua nenu mashinaikana tshe shakassinitanikau nete www.NewfoundlandResidentialSchoolsSettlement.ca kiemak tshe aimin nete 1-866-542-0369.

17. Tan tshe ishi-tutakanit tshetshi tshissenitakanit tshe ishpish matinumuakanit auen shunianu?

Tshika tau ne tshe tshissenitak tshe ishpish minakanit auen shunianu, tshika tshitapatam kassinu mashinaikana ka shakassinitakaniti ekue tshe tshissenitak tanite tshe ut utinakanit ne shuniau nete Tapuetatunit nishuet tshika ishinakutakanu tshe ut minakanit auen ka piuenimakanit. Nenu tshika tshitapakanu etatu-pipuna ka ishpish tain nete ka kanuenimakanit auassat katshishkutamashut kie ka ishi piuenimukuin eshpish tain nete katshishkutamuakuin.

Anitshenat muk kataht nete katshishkutamuakanit eukuanna tshe katshitanak nenu shunianu (Ka mamunikanit Tapuetatunit Shuniau) kie nenu tshika tshitapakanu ka ishpish taht nete kakunuenimakanit katshishkutamashut. Ekue anitshent eka ka ishpish 5 tatu-pipunu ishpish kataht, kiemak katipan ka aitat pipuniti etshishkutamuakanit \$15,000.00 tshika minakanuht. Ekue anitshenat kataht 5 kiemak mitshet tatu-pipuna \$20,000.00 tshika minakanuht. Ekue anitshenat kataht nete ka mamu peiku-mamuituht katshishkutamuakanit eka ka anakaniht nete kakunuenimakaniti auassa katshishkutamuakaniti, apu tshikut katshitanahk tshetuannu.

TAKUN A TSHAKUAN UA KUETSHIMUIN? ANITE TSHE AIMIN 1-866-542-0369, KA ATUSSEU-KATSHITAPAKANIT

ADMIN@NEWFOUNDLANDRESIDENTIALSCHOOLSSETTLEMENT.CA KIEMAK WWW.NEWFOUNDLANDRESIDENTIALSCHOOLSSETTLEMENT.CA

Ekue eka ishpishatshi ne shuniau tshetshi kassinu minakaniht anitshenat ka peiku-mamuituht ka piuenimakanit katshishkutamuakaniht auassat, nete tshika tshissenitakun tshi uitamuakanitau ukaimishimuau ka uauitshikut, ekue tshe patshitinikanit ne shuniau. Kie nasht ishinakunu anitshenat ka peiku-mamuituht tshetshi patshitinamuakanit nenu shunianu.

Kassinu anitshenat ka piuenimakanit ka pet auassiuht katshishkutamuakanit nete katshishkutamatsheutshuapa ka uitakaniti uta mashinaikanu nasht ishinakutakanipan ne Tapuetatun shuniau, tshetshi minakaniht uetshit nasht ka mishta-piuenimakanit nete utanniunau. Nenu shunianu tshika minakanuht \$200,000.00 kie ne tshika tshitapakanu tshe tashikuenit auenitshenat. Eukuan ne utshimau ka utinakanit tshetshi nantu-tshissenitak tshe ishpish minakaniti auenua tshika nashatam eshi-nanatu-tshissenitak kie ekute tshe utshi tshissenimat tshe tatishinikue nenu nasht eshinakunit tshetshi patshitinumuakanit shunianu. Nishuet ka tipanikanit nenu shunianu tshipa tshi minakanu ne auen ka piuenimakanit kataht nete auassa kakunuenimakaniti katshishkutamuakaniti ueshkat shashish ka ishpanikue umue ka uauitakanit.

Ekue eka ishpishati ne shuniau tshetshi nutim minakanit nenu ka katipan katakuak ne shuniau minuat tshika tshitapakanua umashinaikanuau ka shakassinitaht auenitshenat ekue tshe minu-tshissenitakuak tshe ishpish apashtakanit shuniau nete utinakaniti Tapuetatunit katakuak.

Ishinakuaki tshetshi ishkupanit ne shuniau tshika tshika katipanimuakanuht anitshenat etutu ka piuenimakanikue atmak anitshenat eka ka ipiht nete kakaunuenimakaniti auassa katshishkutamuakaniti.

18. Ekue ishinakuaki eka tapuetakuiani ka shakassinitaian ni mashinaikan?

Ishinakuaki eka tapuetakuini kiemak passe muk tapuetakuini, tshika mashinaimakanu kie tshika nituenitamakanu tshetshi uapamit ka aimit. Tshika nituenitamakanu tshetshi tshiuenuit eshi kuetshimashk tshekuannu. Ekue uin tshika tshissenitam tshe ishi-uetashutak nenu ka uapamat mak tshi mashinaikanu ka shakassinitaut.

19. Tshekuan tshe tutakuian eka ishi-tapuetamani ne au ishi-minukuian shuniau?

Uin utshimau ka minakanit tshetshi aiatainak nenu tshe ishi-minakaniti auenua shunianu tshika tshissenitam tshe ishi-matinumashk. Ekue ishinakuniti tshetshi eka nutim kiemak passe muk minukuini, tshika mashinaimakanu kie tshika nituenitamakanu tshetshi uapamat ka aimit. Uin ne ka aimit tshika tshissenitam tshe tshi minukuin kiemak eka minukuin shuniau. Eukuan ne ka aimit mianakanit tshe ishi-uetashutak. Auen nete katat ka peiku-mamuituht ka piuenimakanit, apu minakanit tshetshi eka tapuetak nenu tshe ishi-minakanit shunianu tanite shash ne tshi uitam ne kaimit tshe ishpish patshitinakanit shunianu.

KA AIMISHIHT KA UAUITSHISHKAU

20. Tsheku ka aimishiht ka uauitshiat nenu ka pimipanitakanit ka piuenimakanit?

Nete ka ueeshitakanit utinakanipanit anitshenat ka aimishiht Koskie Minsky nete Toronto, Ontario kie Ahlstrom Wright Oliver & Cooper nete Sherwood Park, Alberta, ekuannat utinakanipan tshetshi uauitshiat nenu ka peiku-mamuituniti ka piuenimakaniti "Ka peiku-mamuituht ka amishiht."Ekue ui uitshikushini kutak ka aimishit tshin uetshit tshishuniam tshika apashtan nete ka ueeshitakanit pimipanitaini.

EKA KA ISHI-TAPUETAMINI TAPUETATUN SHUNIAU TSHE PASHTINAKANIT

21. Tan tshe ishi-tutaman nete ka ueeshitakanit eka ishi minuatamini ne Tapuetatun shuniau tshe patshitinakanit?

Tshipa tshi tutan tshetshi eka ka ishi-minuataman ne Tapuetatun shuniau kiemak passe tshekuan eshi tutakanit nete Tapuetatunit. Tshika minukanu tshetshi natutakuin nete ka ueeshitakanit. Eka ka ishi-minuatamini tshi mashinaikan tshika ui pitakatan kie eukuan umue tshe ishi nituenitamakuin:

- Tshitishinikashun, nete etain kie tshikaiminanim etashtet;
- Tshi mashinaikan e uitamin eka ka ishi-minuatamin Akamassissit Ka ipananuti mitshuap nete Katshishkutamashunanut Tapuetatun;
- Tshika uiten tshekuannu uet eka ishi-minuatamin ne Tapuetatun, kie ne eshi-uitshishuin e itapashtain tshekuanna;
- eshi-mashinatautishuin.

Tshika tshitashain ne mashinaikan, eshka eka **ushkau-pishim 12, 2016** nete:

Newfoundland Residential Schools Class Actions Notice Administrator, c/o Koskie Minsky LLP
20 Queen Street West, Suite 900
Toronto, Ontario
M5H 3R3

ka atusseau-katshitapakanit: nfldresidentschools@kmlaw.ca

TAKUN A TSHEKUAN UA KUETSHIMUIN? ANITE TSHE AIMIN 1-866-542-0369, KA ATUSSEU-KATSHITAPAKANIT

ADMIN@NEWFOUNDLANDRESIDENTIALSCHOOLSSETTLEMENT.CA KIEMAK WWW.NEWFOUNDLANDRESIDENTIALSCHOOLSSETTLEMENT.CA

ANITE KA TAPUETAKANIT KA UEUESHITAKANIT

Anite kaueeshitakanit tshika pimipanitakanu tshetshi tapuetakanit ne Tapuetatun shuniau tshe patshitinakanit kiemak eka tapuetakanit kie ka nituenitakaniti tshetshi tshishikashunanuti ka ishpish atushkatet kie eshpish meshtinakanit shuniau ua itutakanit umue ka piuenimakanit auassat ka tshishkutamashut nete ka uitakaniti katshishkutamatsheutshuapa.

22. Tan ishpish kie tanite kaueeshitakanit tshe tshissenitakuak tshetshi tapuetakanit Tapuetamun shuniau tshe patshitinakanit?

Anite kaueeshitakanit tshika pimipanitakanu **10:00 tshishepaushiniti ushkau-pishim 27, 2016 nete Ka mishta-ueeshitakanit Akamassissit mak Napatau St. John's, Akamassissit mak Napatau.** Tshipa tshi atinakanu etatipaakana kiemak tshishik, pishim eka uinuiapanitakanit uauitamun mashinaikan, ekue minuau tshetshi nanatu-tshissenitamin nete ka atusseau-katshitapakanit www.NewfoundlandResidentialSchoolsSettlement.ca kiemak tshipa aimin nete 1-866-542-0369 etenitamune tshetshi ituetaim. Eukuan ne tshe tshitapakanit tshetshi tapue tapuetakanit nenu eshi nituenitakanit nete Tapuetatun kie eshi-minuanit ka ishi nituenitahk anitshenat ka piuenimakanit katshishkutamuakanit. Ekue takuaki eka ka ishi minuatakau kutakat auenitshenat, tshika natutuakanut eshi-pitakataht nete ka ueeshitakanit. Anite kaueeshitakanit tshika tshissenimakanuht anitshenat ka peiku-mamuituh ka aimishiht ka uauitshiaushiht. Ekute kassinu tshekuan tshe minu-petakuak ka ishi-pitakatakanit ka mishta-ueeshitakanit. Apu minu-tshissenitakuak tshe ishpishikakanit tshetshi tshissenitakuak tshe ishpanit tshekuan.

23. Ishinakan a tshetshi taian nete ka ueeshitakanit?

Mauat. Anitshenat ka aimishiht tshika tshiuenuimuh aimunu kuetshimakanitau tshekuannu. Tshipa tshi tan nete kaueeshitakanit muk tshin uetshit tshishuniam tshika apashtan. Kie itashaimini tshi mashinaikan e uitamin uet eka ka minuataimin ne Tapuetatun, apu nituenitamakuin tshetshi taian nete ka ueeshitakanit. Mishu tshitashaimini tshi mashinaikan eukuan ne tshe tshitapatajanit. Kie tshipa tshi itashauau tshikaimishim ka uauitshishk, muk apu nituenitamakuin tshetshi ishi-tutamin umue.

24. Nipa tshina aimin nete ka ueeshitakanit?

Tshipa tshi nitueniten tshetshi aimin nete Tapuetatun ishi-ueeshitakaniti.

25. Ekue eka tutamani tshekuan?

Eka ka tutamani tshekuan, apu uakatamin ne eshi-pimipanitakanit Tapuetatun. Anite tshe pimipanitakanit tshetshi tapuetakanit ka ueeshitakanit kie ekute tshe ut petakuak tshetshi minuau, miam ishpish ishi-atushkatapan, kie eukuannu tshe ishi-minakaniht anitshenat ka pitakataht ka ueeshitakanit ka piuenimanikue nete pet e auassiuut kie tshika takunu tshetshi natutuakanit anitshenat ka utinakau tshetshi aimiht. Kie ekute tshe tshissenimakanit tshe ishpish tshishikuakaniht anitshenat ka amishiht. Ekue kassinu tshekuan tshi petakutakaniti kie pitakatakaniti nete ka ueeshitakanit ekue tshe tshissenitakuak tshetshi tapuetakanit Tapuetatun.

ETUTU TSHETSHI UNUIPANITAKANIT UAUITAMATUN

26. Tan tshe ishi tutaman etutu ui katshitinamani uauitamun?

Ekukuan umue uauitamun ka unuiapanitakanit muk nenu eshpitenitakuaki tshekuannu tshetshi tshissenitamin kie nishtutamin uauitakana uita mashinaikanit e uauitakanit Tapuetatun. Anite minu-uauitakanu kassinu tshekuan Tshe ishi-pimipanitakanit kie tshe ishi matinumitunanut. Tshipa tshi katshitinen ne mashinaikan uauitamun nete www.NewfoundlandResidentialSchoolsSettlement.ca. Anite tshe itashaimin eshi-kuetshimuin tshekuan nete

Newfoundland Residential Schools Cases Class Actions Notice Administrator, c/o Koskie Minsky LLP
20 Queen Street West, Suite 900
Toronto, Ontario M5H 3R3

kiemak ka atusseau-katshitapakanit Admin@NewfoundlandResidentialSchoolsSettlement.ca. Kie tshipa tshi aimin nete, 1-866-542-0369.

PIPUN,PISHIM MAK TSHISHIK: nissi-pishim,18,2016